

# VIVA!

# DEMOCRACIA ECOLOGIA SOLIDARITAT



Dòna, Sénher,

Lo programa qu'anatz lièger au revèrs d'aquesta profession de fe siguèt elaborat setmana après setmana per d'assembladas plenieri e d'assembladas populari mentre li quali lu/li estatjant.as de Nissa an poscut exprimir li sieus aspèras e li sieus propoastas sus lo sieu quartier e la sieu vila. Aqueli acampadas, tròup quisti dins una vila coma la noastra, son estadi organizadi per la tièra ViVA!, una tièra diferenta dins lo paísatge politic nissart. Diferenta perque lo 60% dei noastres.i candidat.as son engatjats.di en defoara d'un partit politic : son militant.as dei drechs umans, sindicals, ecologistas, activi e actius sus lo terren social, esportiu, cultural, eca. Diferenta perque mai d'un quart dei candidat.as que la compauan son estats. di tirats.di au soart, dins un cruci de metre mai de democracia au coar de la politica. Diferenta enfin, perque la noastra tèsta de tièra es una frema, Mirelha Damiano, avocata au collègi de Nissa, dont la drechura, lo coratge e l'engatjament son pas plus da demostrar.

La noastra tièra si soana **ViVA! Democracia - Ecologia - solidaritat**. Tres nocions fondatales que son lu pilastres dei noastri accions.

**Democracia:** A Nissa, lo pòble deu decidir. La cònsola ò lo cònsol non pòu pilhar de decisions dins l'opacitat dau sieu burèu sensa que lu/li estatjant.as poascan donar lo sieu avís. Li acampadas populari tali coma aqueli iniciadi mentre d'aquela campanha son au coar d'aquesto cambiament. Democracia activa e transparéncia dins la gestion de la vila: un cambiament necessari e salutari per Nissa.

**Ecologia:** L'ecologia non es ni una mòda, ni un gadget. Manti e mantu candidat.as noastres.i son engatjats.di dins una associacion de lucha per la defensa de l'èvironament. Per reduire la pollucion, lo bosin e lu gaz a efiech de sarra, avèm pilhat l'iniciativa a Nissa de prepauar de transpòrts en comun a gratis e avèm provat que podiam finançar aqueu cambiament. Volèm finda instaurar un plan bicicleta foarça mai ambiciós que tres aisses en centre vila e quauqui plantas en topin, alibí ecòlo actuals. Dau rèsta, avèm alertat despí dau principi sus la menaça environamentala, sociala e economica que representaria un espandiment de l'aeropoart de Nissa.

**Solidaritat:** Lo 21% dei estatjant.as de la noastra vila vivon sota lo lindau de pauretat. Darrier lo centre-vila poponejat, veirina esclatanta per li/lu toristas, li a tota una populacion que patisse dins de quartiers delaissats. D'inegalitats cridanti qu'acceptam pas e que combaterem emb un vertadier plan de justícia sociala e d'egalitat entre toi lu quartiers de la vila noastra. Dins lo Cairat d'aur ò a l'Ariana, mesmes drechs per toti e toi.

*ViVA! Per viure ensems dins  
una Nissa realament democratica,  
ecologica e solidària.*

*Mirelha Damiano  
e l'equipa ViVA!*



EMB

# MIRELHA DAMIANO

## ACAMPADA CIUTADANA

## SOSTENGUDA DA:



# LI 30 PROPOASTAS CLAUS DE LA TIERA **VIVA!**

sus 200 propoastas consultabli sus [viva-nice2020.fr](http://viva-nice2020.fr)



"**La gratuitat dei transpoarts, una chausida per l'avenir de la planèta e dei noastres enfants! La chausida ganhanta per tot lo mond.**"  
# Robèrt INJEY

"**Una vertadiera ret ciclable, de contunh e protegiada, per anar dapertot dins Nissa en bicicleta: es necessari e es possible.**" # Arvèi ANDRES



"**Egalitat fremas/òmes, paritat dapertot, accions de cada jorn per lu drechs dei fremas e lucha reala còntra li violéncias: de prioritats per Nissa!**"  
# Florença CIARAVOLA

"**Farem de Nissa una vila d'ospitalitat e de solidaritat per garantir de condicions de vida digni per toti e per toi.**"  
# Dàvid NAKACHE



"**Justícia climatica e justícia sociala son indissociabli. Deman, cada nissart.da porrà èstre au coar dei decisions e obrar per lo ben viure a Nissa.**"  
# Anne-Laura CHAINTRON



"**Sosteni ViVA!, la chorma que meterà en òbra una Nissa viventa, solidària e protectritz de la vida e de la natura.**"

# Maria-Lutz HERNANDEZ-NICAISE  
Conselhiera municipala dau 2001 au 2014

**VIVA!**  
DEMOCRACIA  
ECOLOGIA  
SOLIDARITAT  
votatz  
MIRELHA  
DAMIANO

- Installar la **gratuitat dei transpoarts** publics per toti e toi.
- Tornar donar lo poder ai estatjant.as gràcia a una **democràcia activa, un budget participatiu** e un **ciutadanatge de residéncia**.
- Luchar còntra dei lotjaments vacants, agantar lo **25% de lotjaments socials** e li afavorir la **renovacion termica**.
- Adoptar una **carta etica** e n'acabar emb lo clientelisme.
- Engatjar immediatament d'**òbras dins li escòlas** de Nissa e garantir l'accès a la **restauracion escolara per toi** lu enfants.
- Esperlongar lo **trambalan fins a l'Ariana** e la Ternitat.
- Restituir la **vocacion sociala de l'ancian Espitau Sant-Ròc**.
- Durbir de **Maions dei Culturas e dau Ciutadan** dins cada quartier en ligam emb li associacions, lu/li estatjant.as e la joventura.
- Faire de Nissa una **vila solidària e avenenta**, deguna familha, degun enfant, deguna persona en carriera.
- Tendre a l'**autonomia e la sobrietat energetica** dau lume e dei bastiments publics.
- Bastir **340 km de pistas ciclable** securizadi e desvolopar una vertadiera **cultura de la bicicleta**.
- **Enquadrar lu fits** e crear una **plataforma de locacion sasoniera en regia municipala** per un melhor contraròtle.
- Installar lo **referendum d'iniciativa ciutadana (RIC)**.
- Instaurar un **moratòri sus la vidèo-susvelhança** e installar una alternativa apontelada sus lo **renfortiment de la preséncia umana**.
- Faire de la **reduccion de toti li pollucions** una prioritat.
- **Suspendre li construccions** dins la plana de Var.
- **Suspendre l'espandiment de l'aeroport e la logica de sobretorisme** e prepaular un referendum per que la poblacion decide.
- Obrar per un **plan d'anticipacion dei desreglaments climatics** (aigats, calorassas, eca.).
- Crear de **Centres de Sanitat de quartier** per favorizar l'accès de toti e toi a la sanitat.
- Ofrir mai d'**aubergaments d'urgéncia** e de lotjaments per li fremas victimas de violéncias.
- **Arrestar toti li discriminacions**: ni racisme, ni sexism.
- **Impauar lo "100% lotjaments adaptables"** ai personas en situacion d'andicap per tota nòva construccion a Nissa.
- Aquistar **93 ha en regia agricòla** per li cantinas en bio local.
- Instaurar l'**egal accès ai servicis e equipaments municipals**, per toti e toi, que que sigan lu quartiers.
- Doblar lo nombre de plaças en **EHPAD municipals** e favorir lo manten a maion dei personas atjadi.
- Favorizar la **creacion e li pràcticas artistiqui**. Tornar faire dau **Carneval de Nissa** un eveniment ric de la diversitat dei culturas de la vila noastra.
- Sostener l'establiment de **classas bilingüi** ò d'escòlas bilingüi Nissart-Francés.
- Remplaçar lo dispositiu de "Vesins Vigilants" per aqueu de "**Vesin.as Solidaris.àrii**".
- **Suprimir tota publicitat a caractèr comercial** de l'espaci public.
- Desvolopar la **biodiversitat en vila** e instaurar un plan de lucha còntra li sofrenças animalis.